

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunaanni imartap killeqarfiata 3 sømil-iniit 12 sømil-imut annertusineqarsinnaaneraniq periarfissat misissorneqarnissaanik kiisalu tamatuma inatsisitigut, aningaasaqarnikkut inuussutissarsiornikkullu kingunerisassai pillugit nassuiaateqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut. Misissuineq Inatsisartut UPA2028-mut saqqummiunneqassapput.

(Inatsisartunut ilaasortaq Jens NapātôK', Naleraq)

Tunngavilersuut:

Kalaallit Nunaat tassaavoq immap nunaa. Piorsarsimassuserput, inuuniarnerput aningaasaqarnerpullu immap naqqani pisuussutitut uumasunut qanimut attuumassuteqarput. Aalisarnerq piniarnerlu sulit nunatsinni inuussutissarsiutitut pingaarnerpaajusutut inissisimapput aningaasarsiorfiullutillu, kiisalu sinerik tamakkerlugu ilaqutariinnut amerlasuunut najukkamilu inuiaqatigiinnut inuussutissarsiutaavoq. Ullumikkut Kalaallit Nunaata imartai 3 sømilinik killilersorneqarput. Killissarititaq taanna isumaqarpoq nammeneq imartatsinnut qaninnerpaani immap naqqani aalajangiisinnaassuseqarnerput nunani allani amerlanerpaaniit killilerneqarnerusoq. Nunat tamalaat akornanni naalagaaffiit 12 sømilinik nunap immikkoortuanik piginnittuunerat nalinginnaasuvoq. Taamaattumik 12 sømilinut allilerneqarnera Kalaallit Nunaat nunat tamalaat malittarisassanut naapertuuttunngortissavaa tamatumalu peqatigisaanik nunatta pisuussutitut sinerissap qanittuani nassaassaasunik malittarisassiorsinnaanera illersuisinnaaneralu nukittorsarneqassalluni.

Naleqqamut pingaaruteqarluinnarpoq Kalaallit Nunaata pisuussutai sapinngisamik annertunerpaamik Kalaallit Nunaanni inuiaqatigiinnut iluaqutaanissaat. Tamanna minnerunngitsumik sinerissami pisuussutitut atuuppoq, kinguaariit ingerlaneranni nuna tamakkerlugu aalisartunut piniartunullu tunngaviusimasunut.

Immap naqqani nunap immikkoortuata annertusarneqarnera aammattaaq kinguneqassaaq immap naqqanik annertunerusunik, tassanilu Kalaallit Nunaata malittarisassaattut nakkutilliiffigissavai atuuttussanngortittariaqassallugillu. Taamaattumik pisariaqartinneqassaaq misissuinerup aamma ersersinneqarnissaa sinerissap qanittuani nakkutilliinerup aamma nakkutilliinerup nukittorsarneqarnissaanik pisariaqartitsineq, ilaatigut suliaasaq taanna suliariniarlugu pisuussutitut aamma sulisunik amerlanerusunik pisariaqartitsisoqarpat.

Naleqqap sulissutigaa Kalaallit Nunaata annertusiartortumik nammineq pisuussutitut akisussaaffimmik tigusiarnissaa aqutsilernissaalu. Taamaattumik siunnersuut manna Kalaallit Nunaata imartaminik nammineerluni aqutsisinnaatitaanerata nukittorsarneqarnissaanut nunallu aalisartunut piniartunullu kiisalu nunatta siunissami ineriartornissaanut atugassarititaasut pitsaanerpaat qulakkeerneqarnissaannut alloriarnertut isigineqartariaqarpoq.

Tamanna tunngavigalugu siunnersuutigineqarpoq Naalakkersuisut Kalaallit Nunaata imartaata 3-miit 12-imut annertussusilersorneqarnissaanut periarfissat misissoqqissaassagaat aammalu inatsisitigut tunngaviit, aningaasarsiornikkut periarfissat aammalu annertusarneqarsimasumi imartami nakkutilliinermik pisariaqartitsineq, ilaatigut inuttaqarnermut nakkutilliinermullu kinguneqarsinnaasut.

Pisortanut aningaasatigut allaffissornikkullu kingunerisassat

Akissuteqaat §37 nr. 109-2025-imi, tassaavoq misissuineq annertooq taamaattumillu misissuinerup piareersarneqarnera nalinginnaasumik AC-fuldmægtigimik ukiuni marlunnik nalinginnaasumik 1.000.000 koruuninik aningaasartuuteqartitsissaaq.

Namminersorluni inuussutissarsiuteqarnermut aningaasatigut allaffissornikkullu kingunerisassat

Soqanngilaq.

Innuttaasunut aningaasatigut allaffissornikkullu kingunerisassat

Soqanngilaq.